



SVPPPLICATIO
AD
IMPERATOREM,
Reges, Principes,
SVPER
CAVSIS GENERALIS
Concilij convocandi.
CONTRA
PAVLVM QVINTVM.

LONDINI,
Excudebat BONHAM NORTON,
Serenissimæ Regiæ Maiestatis in Latinis,
Græcis, & Hebraicis Typo-
graphus.
ANNO cl. l. xiii.

De iure et iudicio es con la iura.

Rev. Woodward

EMERSON

As

THE

CAVENDISH

PAVING

PAVING

490306

A

INVICTISSIMO

AC SAPIENTISSI-

mo Monarchæ IACOBO

Regi ANGLIÆ,

&c.



Consilium veritatis eò de-
ductum est (Rex sere-
nissime) ut nisi promio-
torem inveniat, despe-
ratur sit. Nemo enim
ulterius ad id quod
publicè interest, ratio-
nem revocat. Nemo est
qui ignorat Ecclesiam Romanam vero destitui pa-
store ; ubique terrarum de intrusione, simonia, atque
inertia, imò de deprædatione Papatus nostri tempo-
ris sermones habentur. Hæc omnibus nota ac ma-
nifesta sunt, passimque in Curijs Principum circum-
feruntur ; & tamen omnes tacent, atque dissimu-
lant, Pontificemque Romanæ Ecclesiæ venerantur,
qui talis verè non est. Nemo in censorium iudici-
um rem audet deducere : ille mos severissimi magi-

EPISTOLA.

*stratus Concilij convocandi sublatuſ eſt. Deus
Opt. Max. me novum hominem excitavit, meoque
calamo ſpiritum inſufflavit, ut omnes cauſas deſcri-
berem, eaſque præſenti ſupplicatione concluderem,
atque nomine ipſius Omnipotentis contra omnem
hominem intimarem. Quum autẽ inter veritatis cul-
tores, noſtra ætas te ſolum (Auguſtiſſime Princeps)
incomparabili fœlicitate ſortiatur, qui excelsa mente
omni diſciplinarum genere excultâ, doctiſſimis lu-
cubrationibus, omnium Principum amorem, obſer-
vantiam, atque benevolentiam tibi conciliaſti; operæ
pretiam eſſe duxi, ſupplicationem iſtam tibi Regi
ſapientiſſimo offerre ac dicare, ut tuiſ auspicijs ad
Imperatorem, Reges, Principes miſſa, magnâ curâ
& attentione perlegatur: ita enim ſperari poteſt,
ut Sacroſanctam Generale Concilium convoce-
tur, & Eccleſia Romana tua authoritate
purgetur. Vale Rex fœliciſſime.*

Romæ Cal. Martij.

1612.

Sereniſſimæ Maieſtatiſ veſtræ

Devotiſſimus

Novus Homo.



AD LECTOREM.



Vamvis properanti, amice Lector, cupientique, ut fit, novum libellum quam celerrimè percurrere, odiosa omnis retardatio in ipso præsertim limine videatur; nos tamen operæ pretium existimavimus, paucula quædam eademq; necessaria præmittere, quorum intelligentia quali fax prælucens, hanc tibi moram perfacilè compensaret. De authore igitur, quod primum est, hæc fere sunt quæ tibi non incognita velimus; Hominem utiq; non fuisse ex eorum numero, qui sub alio coelo viventes ea scriptis mandare non dubitant, quæ ipsi nescientes iuxta cum ignarissimis, ex alienis sermonibus fama que de longinquis itineribus crescente percipiunt: verùm Romæ vixisse in ipsa illa Republica, & inter illos homines de quibus hæc qualiacunq; sint scribit; quorum te facimus participem. Sed ille non ita pridem ex hac vita emigrans, scriptum hoc in manibus amici cuiusdam sui, casu an consilio nescimus, reliquit; qui parum sollicitus, ut videtur, quid contineret, vel minimè metuens ne evulga-

Ad Lectorem.

evulgaretur, homini illud Anglo in ea tunc fortè regione commoranti sua manu tradidit. Quid multa? ab eo fœliciter nos nacti sumus. Quumq; contineri inibi aliquàm multa offendimus, cognitione hominum sanè non indigna, visum est haud ingratum neque abs re fore, si excusum typis in vulgus emitteretur. Id ergo iuxta fidem autographi, sine aliqua fallaci rerum verborumve permutatione præstari curavimus. Atque eò quidem libentius hoc à nobis consilium suscipitur, quòd Author ipse in votis habuit, idem hoc scriptum Serenissimo Magnæ Britanniae Regi dicasse. Tantum abest vt iustè nobis quisquam obijciat, vel compilasse scrinia defuncti, vel arcana quæpiam contra voluntatem eius, quum reclamare iam nequeat, publicè disseminasse; quod inhonestum fortassè crimen à non nemine haberetur. Sic solvimus manum, lector, neque te per prolixum exordium, rem invisam, detinebimus, quominus pergere possis, perlegere, & pervenire quò voles.

Vale.

ERRATA.

Pag. 13. lin. 14 ambigiat lege ambigat.

Pag. 24. lin. 13. Nepos lege Nepotes.



Spiritus Sancti gratia.

DE PRIMA CAUSA GENERALIS concilij convocandi, quum post GREGORIUM 13 omnes Pontifices successores in Papatum intrusi sint.



I unquam status universalis Ecclesiae conturbatus fuit, nostris temporibus deplorandus est; in quibus Ecclesia vero Pastore caret, intrusi Papatum depradantur, omnes Ecclesiastici posuerunt curam in proprio commodo; nihil ulterius, quod ad religionem pertineat, cura superest.

Sixtum Quintum per simoniam electum fuisse nemo dubitat. Nam ut Papa eligeretur, suffragia Cardinalis Aloisij Estensis, Cardinaliumque ab illo pendentium emit, eidemque mediante scriptura sua manu subscripta promisit, nunquam in suo Pontificatu Hieronymum Matthaeum, (qui inimicus Estensi erat) se creaturum Cardinalem, si Estensis cum suis in proxima electione, Sixtum suffragijs suis ad Papatum vellent promo-

B

vere;

vere; & quum mediante Estensi factus fuisset Pontifex, opus se manuum suarum esse, coram professus est.

*Hic est casus Bullæ Iulij Secundi super simoniaca Papæ electione, quæ adhuc in recenti viget observantia; ita ut omnes Cardinales, quum primum Conclauē ingre-
diantur, bullam illam obseruare, tactis sacris, in se reci-
pian. Constitutionis verba hæc sunt:*

Si contigerit postquam nos vel successores nostros successiue, Deus ab huiusmodi vniuersalis Ecclesiæ regimine absoluerit (humani generis inimico procurante, & ambitione vel cupiditate ad hoc inclinante) electionem Romani Pontificis ab eo quem eligi contigerit, vel ab aliquo, seu aliquibus de cætu Cardinalium quomodolibet votum dantibus per simoniacam hæresim in dando, promittendo, vel recipiendo bona cuiuscunq; generis, castra, officia, vel beneficia, seu promissiones & obligationes, commissam per se vel per alium, seu alios quomodocunq; & qualitercunque, & in duarum partium, vel omnium Cardinalium vnanimi concordia, quomodolibet etiam per viam assumptionis vnanimiter, etiam sine scrutinio facto celebrari vel fieri; non solum huiusmodi electio vel assumptio eo ipso nulla existat, & nullam eidem sic electo vel assumpto administrandi in spiritualibus & temporalibus facultatem tribuat; sed etiam contra dictum sic electū vel assumptum de simoniaca labe a quocunque Cardinali (qui eidem electioni interfuerit) opponi & excipi possit, sicut de vera & indubitata hæresi, ita ut a nullo pro Romano

mano Pontifice habeatur, &c. Nec huiusmodi simoniaca electio per subsequentem ipsius inthronizationem, seu temporis cursum, aut etiam omnium Cardinalium adorationem seu obedientiam, ullo unquam tempore conualecat. Liceat omnibus & singulis Cardinalibus, etiam illis qui eiusmodi simoniacæ electioni siue assumptioni consenserint, etiam post inthronizationem siue adorationem & obedientiam, ac etiam vniuerso clero, populo Romano, nec non subditis, & sancti Angeli de vrbe & quarumuis aliarum Arcium Præfectis, Castellaneis, Capitaneis, & alijs officialibus, a talis electi & inthronizati obedientia, & deuotione impune, & quomodocunque discedere, & eum vt Magum, ethnicum, publicanum, & heresiarcham evitare. Et insuper liceat Cardinalibus qui electioni simoniacæ interfuerunt, & a præfato sic electo discesserint, &c. Concilium generale indicere & convocare in loco idoneo, prout eis videbitur expedire.

Ipsū factum simoniacæ electionis Sixti Quinti, notorium factum est: Nam quum ipse Sixtus datam Estensi fidem violasset Hieronymumque Matthæum Cardinalem creasset, Estensis præ nimio dolore agrotans, antequam moreretur illam apocam Sixti Quinti manu subscriptam ad Regem Catholicum Philippum secundum transmisit, qui anno 1589 Ducem Sueffæ Oratorem extraordinarium Roman misit ad intimandum ipsi Sixto generale Concilium, super declaratione simoniacæ electionis & ad requirendum dominos Cardinales (a prædecessoribus cre-

atos) aliosque Ecclesiasticos, ad comparandum in Concilio Hispalensi. Itaque ipsa apoc. 1, ipsumque factum in iudicium deductum notorium factum est; sed quia intimatione facta, ipse Sixtus præ desperatione mortuus est, ideo negotium ulterius progressum non est.

Notorium quidem factum dicitur, etiamsi iudicium a principio nulliter inchoatum esset: sed ipsum Regem rectè fecisse dicendum est; Nam omnes Catholici ex præcepto diuinæ legis, contra Papam hæreticum insurgere possunt, relato in c. Si audieris. 23. q. 5. Et in casu simoniæ electionis, Principes seculi habere huiusmodi potestatem, est textus Isidori in lib. 3. sententiarum De summo bono, relatus in c. Principes seculi. 23. q. 5. & ibi gloss. in verb. Intra Ecclesiam, recenset in specie casum simoniæ. Tū quod propter negligentiam Cardinalium in conuocando Concilio, potestas ipsum conuocandi deuoluitur ad Principes, probat Cataldus de Bon-compagnis in tractatu De potestate PP. anno 63. Petrus de Monte in sua Monarchia Conciliorum, cap. de generalis Concilij celebratione, per totum. Cardin. Iacob. in tractatu De Concil. lib. 3. art. 1.

Sixtus igitur vigore d. Constitutionis in 6 Liceat, in fine; Magus, ethnicus & hæresiarcha existens, Cardinales creare non potuit, quū omnis eidem in spiritualibus & temporalibus, usus, exercitium, potestas, interdicta fuerint, atque omnia per eundem facta, tanquam a non habente potestatem, nulla existant.

Ex hoc infertur, omnes Pontifices post Sixtum electos, veros Pontifices non extitisse. Nam post Sixti Quinti mortem, Cardinalis Montaltus eius Nepos cum 40 votis Conclauē

Conclauē ingressus est, cum quibus Urbanus 7. qui paucissimis diebus superuixit, deinde Gregorius 14, qui decem mensibus; deinde Innocentius 2, qui duobus mensibus, electi sunt; deinde Clemens 8 qui 13 annis, intrusionem in Papatum continuauit.

Ad istorum electionem, maiorem elegantium numerum fecerunt Cardinales nulliter a Sixto Quinto creati. Nam licet Montalius eius Nepos tot numero suffragia non haberet, quibus electionem includere potuisset; exclusivam tamen partem tenebat, ita ut nemo contra illius voluntatem eligi potuerit. Ergo illa exclusiua quam habebat, alios electores (qui verè suffragia dare poterant, sed in minori numero existebant) ad eius voluntatem necessitate quadam traxisse dicitur, & tota eligentium facultas ad suffragia Cardinalis Montalti redigi videbatur.

Ergo istae electiones in totum corruunt. Nam per constitutionem Pij Quarti super reformatione Conclauis, solis Cardinalibus eligendi Papam facultas data est: & licet in fine constitutionis eosdem ad electionem habilitet, etiamsi excommunicatione irreiiti reperirentur, ita ut nunquam contra electionem ab eisdem factam de nullitate dici possit, etiamsi aliquis ex ijs excommunicatus existeret; tamen Bulla eosdem verè Cardinales esse praesupponit, non autem in Cardinalatum intrusos, nimirum a non habente potestatem factos.

Ideo postquam Gregorius 12, qui verè Pontifex erat, ad sedandum schisma Papatui renuntiasset in Concilio Constantiensi; quum primum renuntiationis poenitebat, alios Cardinales creare non potuit, & ab eo postea creati pro non cardinalibus habiti fuere; ut est in actis Concilij

Constantiensis ; quoniam facti fuerunt a non habente potestatem. Præterea Cardinales creati a Benedicto 13 Auenioni, ubi Antipapam egit, pro non Cardinalibus habiti sunt. Denique Cardinales a Iohanne 23 facti (qui mortuo Alexandro Quinto, Bononiæ ubi Legatum egit, in Papatum semetipsum intrusit) omnes pro non Cardinalibus habiti fuere in Concilio Constantiensi, ubi Martinus Quintus, non a dictis Cardinalibus, sed a toto Concilio eligitur.

Neque dici potest eosdem Cardinales post mortem Sixti Quinti publicè pro Cardinalibus habitos esse, atque gesta per eosdem in dubium reuocari non posse, per regulam L. Barbarius. ff. de offic. Prætoris : unde Iurisperiti probant propter publicam utilitatem gesta a non habente potestatem toleranda esse, nec ulterius refricanda ; quia illa regula non procedit in rebus spiritualibus, in quibus communis error non attenditur, qui nec gesta a persona inhabili convalidat : gloss. in c. Vnico : in ver. approbatis de Voto. lib. 6. quæ allegat Tancredum & Bartholomæum Brixensem in suis questionibus. Sed in spiritualibus, veritas prævalet opinioni communi ; quam glossam ibi sequuntur Archidiacon. super verbum Susceptionem : Io. Andréæ Geminian. & Philip. Franch. & Ancaron. ibidem : & Federicus de Senis in concil. 13. qui consuluit quod suscipiens sacrum ordinem ab eo qui communi opinione episcopus reputatur sed reuera non est, non impedit contractum matrimonium : idem tenet gloss. in § ; his ita respondetur l. 35. q. 9. in fin. gloss. qui dicit quod in causa spirituali statuitur veritati, non autem præsumptioni etiam per sententiam causatæ. Eandem sententiam sequuntur

tur Innoc. in c. Nihil. col. 2. de elect. & Bald. in l. 2. in princip. c. De sentent. & in repetit. d. l. Barbarius col. 2. dicens quod gesta per simoniacum occultum valent si temporalia sunt, non si spiritualia: quia nemo dat quod non habet, & quum sit extra Ecclesiam, in eadem iurisdictionem habere non potest: ergo nec illi qui Cardinales vere non sunt, suffragia in electione Papæ quæ spiritualis res est, dare possunt. Item retentis terminis d. regula, & ut communis error attendatur, etiam requiritur probabilis totius populi ignorantia, ut notant omnes interpretes eò loci: sed in populo Romano non solū ista probabilis ignorantia non erat, quin immo vera scientia aderat, quod Sixtus Quintus Cardinales creare non poterat, postquam Rex Catholicus contra eum tanquam in Papatum intrusum Concilium convocandum esse Romæ publicavit; Oratorem ad hoc misit per totam curiam; in omnibus congregationibus & tribunalibus de hoc actū est: & quū subditi habent certam scientiam quod non est verus Papa, gesta per eum, etiam si in foro animæ, nullo modo tenent: ut probat Francisc. Max. decis. Delphinat. 1184 in fin. part. 1. sed propter timorem vitæ nihil de hoc Romæ dici potuit, quum Maiestatis reus extitisset, qui ista obiecisset.

Quum vero Clemens 8. a Cardinalibus per Sixtum Quintum factis, electus, Regem Nauarrum rebenediceret, ut regno Franciæ ille potiri potuisset; non defuere plurimi in Hispania, ubi timor illius Maiestatis non est, qui palam conclusionem contra electionem de Clemente factam sustinuerunt, atque ad tollendam potestatem, nimirum quod Regem illum rebenedicere non poterat, multa
volu-

volumina scriptitarunt; quoniam intrusus in Papatum potestatem ligandi atque soluendi non habet; sicut sententia a non suo iudice lata non tenet: c. Ordinationes. 9. q. 1. De Schismaticis.

Ex alio etiam electio de Clemente facta, nulla fuit; quoniam duæ Cardinalium partes concorditer Cardinalem de sancta Seuerina conuocarunt, ipsum ad capellam Paulinam duxerunt, ubi locus est adorandi Pontificem electum; inibi eundem in Sede Pontificis sedere fecerunt, ipsumque Papam per scrutinium publicum acclamarunt: ita enim electionem Pontificis fieri dicit textus in c. Licet de vitandis, de electione; per hæc verba.

Ille absque vlla exceptione ab universali Ecclesia Romanus Pontifex habeatur, qui a duabus partibus concordantibus electus fuerit & receptus.

Sed Cardinalis de S. Seuerina a duabus partibus unanimiter eligitur, & ad locum Papæ deducitur: ergo. Dum autem alij Cardinales qui extrâ erant expectabantur (ita enim fieri consuevit, ut expectentur qui electionem impedire non possunt, ut electio unanimiter ab omnibus, nemine dissentiente, facta dicatur) venerunt ad locum, Cardinalis Gesualdus qui Decanus collegij erat, & Cardinalis Sfortia, atq; dolose electionem iam factam conturbarunt. Gesualdus clamat, Domini numeremus vota; & dum numerare inciperet, cum aliqua temporis intermissione, Sfortia duos ex suffragantibus secum ad Salam regiam eduxit, atque ad ceteros reuersus, se veritatem Cardinalis de S. Seuerina recenset; nam iustitiam hominis timebant. Interim perfidi Cardinales pro maiore parte e capella Paulina exeunt, & Cardinalem Aldobrandinum

brandinum acclamant, qui Clemens Octavus appellatus est.

Prima quidem electio de sancta Severina valida fuit, quoniam vota integra & in numero sufficientia erant, quum illum Papam pronuntiarunt, & in loco Pontificio sedere fecerunt. Illa autem sollemnitas qua fit in electione Papae, ut sedentibus omnibus Cardinalibus (etiam eo qui eligendus est) singuli ordinatim dicant, ego N. eligo talem in Papam, & secretarius conclavis singula vota scribat, non est de essentia eiusmodi electionis; quia verba textus d. c. Licet de vitanda: eo ipso Papam universalis Ecclesia caput declarant quod a duabus partibus Cardinalium electus & receptus sit. Receptus quidem dicitur, si in loco Pontificis illum sedere faciunt: electus autem per consensus declarationem in eundem. Hec omnia in Cardinale de sancta Severina inter venerunt; & quum ita per publicum scrutinium fit, & in Papam assumitur, scrutatoribus opus non est: Abb. in d. c. Licet de vitanda. n. 13. ver. Sed si est factum per scrutinium publicum, de elect. Et hic est unus de modis eligendi Pontificem, per assumptionem, de quo in supradicta bulla Iulij 2. in §. 1. ver. Etiam per viam assumptionis. Nec est facienda vis super inthronizationem vel adorationem, si ve pedum deoscultationem, quia haec omnia effectus sunt in iam electum ordinati, & ipsam electionem iam factam sequuntur, ut ex eadem bulla Iulij Secundi ostenditur: nec requiritur convocatio omnium, quia hoc nullo iure expressum est; & textus in d. c. Licet de vitand. sonat pro validitate electionis, ut probat Iacob. in puncto in d. tract. de Concil. part. 3. artic. 4. n. 154.

Et seq. ubi ostendit quòd saltem convocandum est Concilium, ut declaret utrum electio valeat, neq. procedendum ad alterius electionem. Ideo electio facta de Clem. 8. tanquam dolosa & ingenio facta, nulla dicenda est; prout est textus expressus in c. In nomine Domini distinct. 23. his verbis.

Quòd si quis contra hoc nostrum decretum synodali sententia promulgatum, per seditionem, vel præsumptionem aut quolibet ingenio electus aut etiam ordinatus, live inthronizatus fuerit; auctoritate divina & sanctorum Apostolorum Petri & Pauli, perpetuo anathemate cum suis autoribus, fautoribus, & sequacibus, a liminibus sanctæ Dei Ecclesiæ separatus abjiciatur, sicut Antichristus, invasor, & destructor totius Christianitatis, &c.

Et post Cardinalem Hostiensem Abb. in d. c. Licet de vitanda. n. 11. vers. Exposuit Hostiensis. illud verbum, Ingenium, exponit per fraudes, calliditatem & dolum. Talis fuit electio de Iohanne 22. a Concilio Basileensi damnata. Nam post mortem Alex. Quinti, quum Cardinales Bononiæ de altero eligendo tractarent, Cardinalis Cossa qui Legatus ibi erat, vir bellicosus & maximè potens, ab Electoribus obtinuit, ut ipse totam facultatem eligendi haberet: quo concessso, seipsum elegit. & electio ex hoc capite valida erat, ut probat Archiep. Florentin. in 3. parte suæ Historiæ, tit. 21. cap. 24. Sed quia ingenio & dolo fecisse dicitur, a Concilio Basileensi privatus fuit. Hoc autem multo magis fieri debet, quum alter verè atq. canonicè electus fuerit.

Non

Non igitur Clemens verus Pontifex dici potuit, tum quia a carentibus potestate, factus; tum etiam quia ingenio & dolo electus est. Nam licet textus in d. c. Licet de vitanda: contra Papam quomodolibet electum nullam exceptionem opponi posse inbeat: non tamen eam exceptionem excludit, quæ ex defectu potestatis eligentium est, neq. eam quæ dolo & ingenio electionem factam reprobat, vigore d. cap. In nomine Domini: qui textus nunquam correctus fuit; ut etiam probat Abb. in d. c. Licet de vitanda.

Succeſſivè Paulus Quintus verè Pontifex dici non poteſt, quum ab eiſdem Cardinalibus electus fuerit, qui tales non erant. Præterea, poſt Clementis mortem, quum de ſucceſſore ageretur, Cardinales 61 in Conclaverant: ex quibus, 44 qui duas partes conſtituebant, Cardinalem Tuscum, infirmum, in lecto iacentem, ad Capellam Sixti duxerunt, ut illum Papam inthronizarent atq. adorarent: & dum ceteros expectabant qui electionem iam factam impedire non poterant; interim Cardinalem Tuscum ut Papam tractabant, ſinguli ſupplicationes porrigebant, gratiamque rogabant. Quum autem inter eos qui expectabantur, eſſet Cardinalis Baronius cum Iuſtiniano & Mont-alto; Baronius ante portam capellæ Sixti clamare incepit, Vultisne creare Papam qui in omni verbo priapum miſcet, (prout mos eſt Longobardorum, de qua provincia eſt Cardinalis Tuscus) & hoc in tam magnum ſcandalū Chriſtianorū? Adhuc clamores, omnes 44 Cardinales, qui Tuscum elegerunt, perfidè Papam electum derelinquunt, atque ſtatim Cardinalem Borghesum acclamant; eum ad aliam Capellam ducunt

atque adorant, derelicto Papa Tusco in lecto cum febre iacente. Omnes igitur rationes quæ contra Clementem allegata sunt, multo magis contra Paulum obtinere debent.

Hac in factis notoria sunt: sola allegatione opus est. In notorijs enim neque libellus neque accusatio requiritur, maxime in materia peccati tangente publicam utilitatem. Butr. in c. vestra. de cohabit. cler. & mulier. Et poterit per Concilium procedi per viam inquisitionis; ut per Butr. ibi ver. Venio ad quartam. Nam notorium sufficit quod allegatur & proponatur: Clem. Appellante de appellat. & plura ad hoc per Iacob. de Concil. lib. 3. art. 1. n. 141. & seq. Tanto magis quia hæc in dubium reuocari non possunt. Ea etenim quæ in Conclavi fiunt, secreta presumuntur, dum Conclauis clausum est: sed quum Cardinales exeunt, omnia narrant & nota faciunt. Præterea bini famuli qui cum singulis Cardinalibus in Conclavi sunt, omnia scribunt, quæ postea copistis venalibus in curia vendunt.

DE ALTERA CAUSA CONVO- candi Concilij generalis propter notoriam simoniam Pauli 5.

PErlegite, quæso, subsequentes causas contra viventem Pontificem, ex quibus Concilium congregari debere necessario fatendum est.

Primum autem præsupponere oportet Pontificem quatenus Pontifex, à peccato simoniæ immunem non esse, quam sententiam D. Thom. pluribus ostendit in 2. 2. quæst.

quæst. 100. art. 2. ad 7. *Vbi dicitur Papam posse incur-
rere vitium simonia, sicut & quemlibet alium. Hoc au-
tem peccatum, tanto in aliqua persona est gravius,
quanto maiorem obtinet locum. Quamvis enim res Ec-
clesiæ, eius sint ut principalis Dispensatoris, non tamen
ad eum pertinent ut ad Dominum aut possessorem: & ideo
si reciperet pro aliqua spiritali re pecuniam, non caret
vitio simoniæ. Eandem sententiam sequuntur ibi om-
nes Theologi, Caietanus & ceteri. Idem D. Thom. in 4.
lib. sent. dist. 21. quæst. 15. Et ad hoc est textus in c. Iu-
dices 1. n. 1. desumptus ex Concilio Bracarensi 2. cap. 3.
ubi secundum translationem D. Hieronymi recensentur
omnes illi primi sacerdotes, & dicitur, Nemo ambi-
giat Hierusalem propter scelera quæ in hoc capi-
tulo recensentur fuisse submersam &c. & in Conci-
lio Basileensi sess. 34. Papa Eugenius 4. depositus est
propter crimen simoniæ: Cuius hæc sunt verba;*

Per hanc ejusdem Concilij diffinitivam senten-
tiam quam fert in his scriptis, pronuntiat, decernit
& declarat Gabrielem prius nominatum Eugeni-
um Papam 4. fuisse & esse notorium & manife-
stū contumacem, mandatis seu præceptis vniver-
salis Ecclesiæ inobedientem, & in aperta rebellionem
persistentem, violatorem assiduum atq; contemp-
torem sacrorum Canonum Synodaliū, pacis &
vnitatis Ecclesiæ perturbatorem, vniversalis Ec-
clesiæ scandalatorem notorium, simoniacum,
perjurum, incorrigibilem, schismaticum, à fide de-
uium, pertinacem, hæreticum, dilapidatorem ju-
rium & bonorum Ecclesiæ, inutilem ad admini-

strationem Romani Pontificij, omni titulo, gradu, honore, ac dignitate se reddidisse indignum; quem propterea eadem sancta Synodus, à Papatu & Romano Pontificio ipso jure privatum esse declarat & pronuntiat, & ipsum ab eisdem amouet, deponit, priuat, & abijcit: &c.

Nunc ostendamus in facto nullam ullo unquam tempore simoniam in Dataria commissam fuisse, similem huic quam Paulus exercet. In Dataria observatur, ut beneficia ad Papæ collationem spectantia, vel reservata, vel in mense Papæ vacantia, quæ vel propter longam distantiam à Roma, vel quia curata sunt, illius Nepoti Borghesio dari non possunt; in concursu alicui vel contraneo loci beneficij, vel ex vicinioribus locis oriundo conferantur. Nec iste concursus ad bonum finem fit, ut digniori detur, iuxta sacri concilij Tridentini regulam, sed ut ditiori. Dies concursus ad certum tempus assignatur, ut interim sciri possit, quisnam ex concurrentibus, siue ambientibus beneficium illud, pensionem possit commodissime extinguere, (nam Pontificijs ordinationibus cautum est, ut solutione quinque annatarum anticipatim facta, pensiones extinguere possint) mox eidem ditiori, non digniori datur: concursus etenim ad cognoscendas divitias, non dignitatem fit. Provisus igitur de beneficio, cum solutione quinque annatarum anticipatim, illud emit ad rationem 30 pro singulis 100, ultra servitium personale, & animarum curam, quam exercere tenetur. Hoc ut clarius fiat, ponamus beneficium aliquod valere 300 annua: Pensione quanta fieri potest maxima onerabitur, nimirum centum pro Rectore reli-
ctis,

Etis, pensio in ducentum erigetur. Ergo, Provisus solvendo quinque annatas, mille anticipatim dare opus habet, item alia centum pro bullarum expeditione: ita ut 300 annua, cum servitio personali, & cura animarum ad rationem 30 per 100 venundentur.

Addendum est, cum per sacrosanctum Tridentinum concilium, regressus & expectativæ prohibita fuerint; Papa in fraudem Concilij coadiutorias concedit cum futura successione, in quarum bullarum expeditione annatæ solvuntur: Coadiutoria autem in idem recidunt cum regressibus, & totum ad pecuniam corradendam. His pensionibus & pensionum extinctionibus Papa vicies centena millia scudorum expendit in emptione terrarum pro Nepote ex fratre: Rignanum terram magnam prope Romam à Sarrellis emit pretio 353 millium scudorum. Civitatem Sulmonæ in regno Neapolis emit à Rege Catholico 150 millium scudorum pretio: Quatuor Casalia, sic appellata, in districtu urbis, septingentorum millium scudorum pretio comparavit. In locis montium urbis, quæ ad sex per centum emuntur, 400 millium scudorum expendit: In fabrica palatij quod Borghesiorum appellant 300 millium scudorum erogavit: Denique Custodia mobilium Cardinalis Borghesij 600 millium scudorum aestimatur. O bone Deus unde tanta pecunia manualis pervenire potuit, nisi ex Dataria? Ista sola præsumptio ad probationem huiusce veritatis sufficeret. Nam Borghesij omnes ante istius Papatum decocti erant. Sed ipsa veritas clavior fieri potest ex libris & scripturis Romæ existentibus. Nam ex Registro bullarum apparebit, quibus beneficia, & cum quanta pensione collata fuerint.

fuerint. Item apparebit pensiones esse reservatas reservatione mentali Papa, ita ut reservatarius non cognoscatur, & postea extinctum esse cum Datario tanquam cum Procuratore illius reservatarij in mente retenti. Ipsa natio Hispanica cum quibus eiusmodi negotia transacta sunt, de omnibus fidem facere cogenda est. Instrumenta autem supradictarum emptionum, omnia in officio Betti qui Notarius est Auditoris Camera, inveniuntur, in quodam protocollo particulari pro Borghesijs retento,

Propter huiusmodi simonias notorias Papa, generale Concilium convocandum esse, probat Cardinalis Iacobatius in tractatu de Concilio lib. 4. art. 3. n. 55. & plur. seq. Nam constat de iure simoniacos tanquam primos & principales hæreticos ab omnibus despuendos esse. c. Patet 1. q. 1. & c. Per tuas de simonia. & in c. Præbyter. ver. Simoniarum hæresin & in c. Benedictio. ver. In maledictionem convertitur. & c. Cavendum 1. q. 1. & ibidem Iacobat. n. 59. & seq. adducit multa loca ad probandum simoniacum esse hæreticum, quod in Papa gravius est peccatum quam in cæteris. Non enim potest id facere per quod denigratur status universalis Ecclesie: c. Et si illa 1. q. 7. c. Sunt quædam 23. q. 1. Et quum reliqui ab ipso sanctitatis exemplum sumere debeant, ex his minoratur devotio, & periculum est ne extinguatur, quum tanta indignitas in summo Pontifice videtur, ut pro pecunia tribuat quæ virtutibus debentur: ut dicit Card. Zab. in c. Constitutis. de religiosis domibus.

DE PLVRIBVS CAVSIS

convocandi Concilii generalis, contra PAV-
LVM Quintum; ex quibus conturbatur status
universalis Ecclesiæ.

Quando crimen Papa notorium est, & inde scanda-
lizatur Ecclesia, tum Concilium generale convo-
candum esse ut ibi possit accusari, dixit gloss. n. c. Si Papa.
dist. 40. Quam glossam ab omnibus receptam esse & ap-
probatam dicit Abb. in cap. Significasti, de electione: &
in c. Proposuit. col. final. de concess. præbend. & in c.
Quum venisset. col. 3. de iudic. Et quod mundus univer-
sus approbet illam glossam, dicit Roman. in Concil. 124.
Questio discutienda: Bald. in c. Olim, circa finem de re-
script. Petr. de Monte, in tractatu de potestate Papæ.
cap. de Concilij præminencia. n. 13. Idem in c. De mo-
dis resistendi Papæ, Ecclesiam turbanti. Card. Iacobat.
in tractat. de Concil. lib. 3. art. 1. n. 170. & plur seq. Et
hodie illa glossa est canonizata per Concilium Constanti-
ense, in titulo de authoritate sacri Concilij. cap. 1.

Et licet Abb. in cap. Proposuit. de concess. præbend. di-
cat quod vix delictum notorium in Papa esse potest; per
quod non scandalizetur Ecclesia: nam si is qui unctus
est peccaverit, populū propter scandalum delinquere faci-
et, ut dicit Moses in Levitico, relatus in c. Magna de voto.
Tamen illa glossa secundū veriorē sententiam quam pro-
bat Cardinal. Iacobat. in tract. de concil. lib. 8. art. 4. n. 2.
intelligenda est de crimine quod in notorietatem deductum
est apud Præsidentes et Prælatos Ecclesiæ pro maiori par-
te, & apud potiores in Ecclesia etiam si laici sint. Nam

D

Matthæi

Matthæi 18. ibi, Si peccauerit &c. dic Ecclesiæ; exponit Chrysostomus, id est, ijs qui præsumunt Ecclesiæ: gloss. in c. Si peccauerit 2. q. 1. Et 3. Regum c. 8, Vbi dicitur, Conuertit Rex faciem suam, & benedixit omni Ecclesiæ Israel; ibi non accipitur Ecclesiæ pro universo Israel, quum totus populus ibi præsens non fuerit, sed pro maioribus natu, & principibus tribuum. Tunc igitur ex delicto notorio Papæ ecclesiæ scandalizatur, quum apud Principes, Præsidentes, & Prælatos ecclesiæ deductum est. Et quod cōtra Papam scandalizantem Ecclesiam, possit Concilium congregari, ad præstandum illud remedium quod opportunum fuerit, siue corrigendo, siue deponendo; probant diffuse Mantua in tractatu de Concilio n. 216. Card. Iacobat. in tract. de Concil. lib. 9. art. 12. n. 18. & seq. Sed Paulus turbat statum universalis Ecclesiæ, in non defendendo iurisdictionem Ecclesiæ, & iura ipsius: quod est notorium omnibus Principibus, omnibus Præsidentibus, & omnibus Prælatibus Ecclesiæ. Ergo &c. Hoc autem ita in forum deducitur. Veneti legem condunt, ne liceat ulterius Ecclesiasticis in eorum statu, bona stabilia acquirere, utque omnia quæ de novo possidere incipiunt, infra annum vendere teneantur; Ecclesiasticos personaliter puniunt; totius Ecclesiastici fori iurisdictionem extinguunt, omnemq. iurisdictionem etiam super Ecclesiasticis, in eorum dominij à Deo se habere profitentur. Non est amplius immunitati Ecclesiasticæ locus: Ipsi, Monachos & episcopos carceribus mancipant, etiam ad reuelandum confessionem cogunt, utq. peccatores absoluant illis præcipiunt. Quos quum aliquando Paulus interdicto affecisset, Regemq. Catholicum in auxilium convocasset; tandem

tandem bello preparato, timidum panituit, expensasq; Venetis persolvit, nimirum decimas Ecclesiarum illis concessit, ut refici potuissent.

Mediolanenses & Florentini immunitatem Ecclesiasticam extinguunt; Ecclesiasticos ad contribuendum pro operibus publicis cogunt; nihil quod Româ veniat, publicari permittunt, nisi ab eorundem iurisdictione approbatum fuerit. Lucenses Episcopum de Sede expellunt; Ecclesiasticos ad petendum indulgentiam ab eorum Senatu cogunt; Baldachinum in Ecclesijs habere volunt; vicarium, eam ob causam interdicientem Ecclesias, persequuntur, quem si cepissent, furcis suspendissent. Nemo iam ulterius bullam cænæ domini timet. Prorex Neapolis Nuntium Apostolicum è fenestris projici iubet, nisi quamprimum è palatio exeat, quû ad Proregis audientiam accesserat supplicaturus pro liberâdis certis subditis Ecclesiæ in temporalibus carceratis in illo regno; Confugientes ad Ecclesias morti tradit: ita ut nullus ulterius in Italia locus reliquus sit immunitati, libertati, aut foro Ecclesiastico: totum forum extinctum est. Nihil Papa audire vult quod maroris quicquam aut tædij afferre possit. Si quid per literas quod iurium Ecclesiæ extinctionem tangat, à Nuntijs Apostolicis ad Papam scribitur, literæ à Cardinali Borghe-
sio referantur, generalis quædam cognitio dicitur, ut & ipse aliquando generalia respondere possit: cæterum omnia negliguntur.

Hec in factò omnibus Regibus, Principibus & Magnatibus Ecclesiasticis notoria sunt; ex quibus nemo est qui non cognoscat Ecclesiæ iura esse prorsus extincta. Quod autem ignavia circa conservationem iurium Ecclesiæ, ma-

imum scandalum afferat Christiana Reipublica; ita ut precipua sit causa cur Concilium debeat convocari: probat Durand. in tract: de modo generalis Concilij convocandi. p. 3. c. 39. Mortuus & inutilis equiparantur in iure. c. Inter corporalia, de translatione Episcoporum. Et ideo sicut, Papa mortuo, successorem ab Electoribus eligi oportet; ita Papa effectus inutili, providendum est: ut diffuse probat Cardinal. Iacob. ut. in tract. de Concil. lib. 4. artic. 3.

Constantinus Imperator donavit Ecclesie Romam, aliasq; terras, ut Pontifex iurisdictionem Ecclesiasticam augere atque tueri posset. Ecclesie redditus tam immensi sunt, ut Sixtus Quintus (præter fructus qui creditoribus exolvuntur) singulis annis decies centena millia scudorum in castrum sancti Angeli coacervaverit. A Sixti temporibus usq; in hunc diem, Ecclesie patrimonium auctum est, propter redditum status Ferrariæ. Item quia, ubi in Curia tunc temporis expendebantur triginta millia scudorum in singulis mensibus pro expensis palatij, nunc Paulus ad quinq; millia scudorum restrinxit. Quid igitur sit de tanta pecunia Ecclesie? Cur non erogatur in conservandis iuribus Ecclesie? Imperatoris interest scire quid fiat. Nam privilegium quod incipit esse damnosum, revocari potest. c. Suggestum, de decimis. Et tanta pecunie quæ a tyrannis Ecclesie absconduntur, in defendendo & augendo imperio Romano expendenda sunt.

Item turbat statum universalis Ecclesie, quia fructus beneficiorum venales facit: plurimis namq; Episcopis fructus Episcopatuū ad decennium pignori permittit, ut solveret paterna debita: Cardinali de Lenis Episcopo Milet

leti hoc permisit, ut centum millia scudorum paternorum debitorum exolveret: & quum fructus illius Episcopatus pignoraſſet ad decennium cum licentia Papa, mox Archiepiscopatum Ferrariae illi contulit. Cardinali Spinello suū Episcopatum pignoraſſe permisit ad decennium; Cardinali Montalio fructus trium Abbatiarum. Res inaudita, nec adhuc à prædeceſſoribus excogitata. Quod si pignoraſſes deceſſerint, nemo in illis Eccleſiis ſucceſſor eſſe vult; vel ſucceſſores ſine redditibus Eccleſiaſticis remanent, in ſcandalum Eccleſiæ. Ita ut Papa inſufficiens dici poſſit, quum ſic dilapidet bona Eccleſiæ. cap. 2. § final. de ſtat. Mon.

Præterea Paulus turbat ſtatum uni-verſalis Eccleſiæ non puniendo notoria delicta ſubditorum, magnatum & Cardinalium. Canis impudicus dicendus eſt, non Papa, qui aliorum delicta non corrigit. c. Qui nec regiminis. 2. q. 7. & probat Durand, in tract. de modo generalis Concilij celebrandi. part. 1. rubr. 1. n. 5. & rubric. 4. n. 59.

Sed quod duo ex Cardinalibus cum cognatis, id eſt uxoribus fratrum ſuorum concumbant, in curia notorium eſt: Nec unum ſolum ex ijs Manfronem cynadum, ſed quaſi omnes ſuos Manfrones habere nemo ignorat. Cur iuſtitia ſuum locum non habet? Quare duos cynados, Italum unum, alterum Flandrum uſtulari iuſſit; & contra Sodomitas agentes ab eiſdem accuſatos nunquam proceſſum eſt? hoc infame delictum magis in perpetrantibus, quam in patientibus puniendum eſt. Cur contra venenariam fratris Papa non proceditur? An ut reatus Nepotis non innotefcat? Qui vitia ſuorum ſubditorum non corrigit, non eſt Pontifex, ſed canis impudicus. c. Nemo. diſt. 73. Et ſi culpas ſubditorum impunitas relinquit, graviter Deum

offendit. c. Si is. 23. q. 4. Non est in eo charitas sed languor, quum talia non corrigit; sicut dicit Augustinus super epistolam Iohannis. 23. q. 5. Graviter peccant qui alios scandalizant. c. Cauendum. 10. q. 3. c. Ille. distinct. 93. Sed membra scandalizantia amputanda sunt c. Illud. 24. q. 3. c. Vxor. 24. q. 1. Et propter scandalum Concilium generale congregandum esse, probat Mantua de Concil. n. 216.

Uterius, si Pontifex plurima beneficia det consanguineis, status universalis Ecclesie conturbari dicitur; ita probat Petrus de Monte in tract. de potestate summi Pontificis. cap. de modis resistendi Papae Ecclesiam turbanti. n. 3. Card. Caietan. (super D. Thom. in 2. 2. quest. 100. art. 1. in fin. dicit, Papa non est Dominus bonorum Ecclesie, sed dispensator, nec de plenitudine potestatis potest ad libitum dare bona Ecclesie cui voluerit, ut consanguineis: sed tenetur recte dispensare iuxta illud, Iam quaeritur inter dispensatores, ut fidelis quisque inveniatur, &c.

At Paulus omnia beneficia sine cura quomodolibet vacantia, siue magna siue parva existant, Nepoti dat, Cardinali nempe Borghesio. Nam si magna sunt, sine ambagibus illa confert: si parva, cuiuscunque tenuitatis existant, (dummodo in Italia sint) uni maiusculo uniuntur, & deinde illud maiusculum Borghesio datur: ita ut nullus ulterius locus existat obtinendi aliquod beneficium. In ore est omnium, Cardinalem Borgesium in annuis redditibus Ecclesiasticis habere ducenta & quinquaginta millia scudorum. Ne Cardinalibus quidem ab ipso creatis, aliquid beneficii simplicis datur: Resignationes simplicium

plicium non admittit; Cardinales quos creat, pauperes esse vult; & si forte uni ex illis Episcopatum concedat pinguiorem, illum onerat pensione Borghesio persolvenda: ita ut apud Provisum, plus duorum millium annuorum non remaneat. Quo pacto Cardinales pene omnes factores Borghesii evadunt, in exigendis introitibus Episcopatum, & illi exolvendis. Archiepiscopatum Bononiæ Borghesio contulit; quem dum possidebat, Archiepiscopatus Ferrariæ, brevi vacaturus credebatur: & quia utrunq; possidere non poterat, ideo cogitare incepit de Bononiensi illo resignando. Resignatio autem Bononiensis illius non ingenuè facta est; quin potius Archiepiscopum resignarium, factorem & exactorem deputavit, illiq; duo tantum millia annuorum pro suis laboribus reliquit. O Deus, quid sit de tanta pecunia manuali? Excita Deus personam, quæ illam quærat.

Ex his, quantum turbetur status universalis Ecclesiæ, nemo non videt; quum literatis nihil iam detur: quibus eget Ecclesiæ, non autem a sinis ferratis, ut exaltentur super cedros Libani, elingues & sine sensu, quique vix sciunt manus dextra quot digitos habeat. Durand. in d. tract. de modo generalis Concilij celebrandi. part. 3. rubr. 28. n. 11. dicit, Per Concilia generalia Ecclesiæ providere debet nullos laicos de parentela Pontificis ditari & exaltari, & ultra eorum statum, de bonis Ecclesiasticis nobilitari atq; impinguari.

In Concilio Basileensi sess. 13. de numero & qualitate Cardinalium ita dispositum fuit;

Quum summo Pontifici sanctæ Romanæ Ecclesiæ Cardinales in dirigenda Christianæ Reip. collaterales

laterales existant ; necesse est ut tales instituantur, qui sicut nomine, ita re ipsa Cardines sint ; super quos ostia universalis Ecclesiæ versentur & sustententur. Statuit igitur sancta Synodus, ut deinceps eorum numerus adeo sit moderatus, quod nec sit gravis Ecclesiæ, nec superflua numerositate vilescat. Qui de omnibus Christianis regionibus quantum commodè fieri poterit, assumantur, ut notitia rerum in Ecclesia emergentium facilius haberi, & super his maturius deliberari possit : Sic tamen ut numerum 24 non excedant. Intra hos autem aliqui esse poterunt, admodum pauci, filij, fratres aut Nepos Regum, seu magnorum Principum, in quibus cum circumspectione & maturitate morum, competens literatura sufficiat.

Cardinalis Iacobatius in d. tract. de Concil. lib. 7. artic. 6. n. 221 post longam super huiusmodi rem disputationem, ita concludit : Credo quum Papa sola carnalitate ductus promoveret plures qui essent incapaces & Romanæ Ecclesiæ inutiles, propter periculum quod imminet universali Ecclesiæ ex malis promotionibus, quòd sit sufficiens causa congregandi Concilium generale : & quòd si convocare detrectaret, posset per se ipsum congregari : quia Papa non convocans, videretur se facere alienum & suspectum de fide. Hæc sunt verba Cardinalis Iacobatij pro conclusione totius illius questionis. Paulus autem Cardinales doctos in Ecclesia Dei esse non vult, qui eius ignorantiam atque errores cognoscant, & qui bonum commune aliquando cogitare possint : eos pro
Cardina-

Cardinalibus quærit qui Nepoti suo in futura Pontificis electione adherere possint ; scilicet primum iuvenes, qui supervivere possint ; mox ignaros & vilissimos, qui paucis redditibus contenti semper a Nepote pendeant : ita ut Cardinales a Paulo factos, ad finem carnalitatis & pecunia creatos esse appareat.

Cardinales, Lantes, Capponus, Barberinus, Spinola ubi literas didicerunt ? non alias, quàm Cambiorum literas in Bursam Pauli apportârunt ; quum pretijs officiorum amissis facti fuerint Cardinales. Auditoratus cameræ septuaginta millia scudorum valebat ; Thesauraria tantidem ; Clericatus autem cameræ quinquaginta millia : quibus officijs amissis isti birreto rubro donantur, & inter Borghesij sequaces seu mancipia recensentur. A Paulo autem nihil pensionis seu beneficij accipiunt, nisi quod Borghesius tenere non potest. At quid Tontum, Lanfrancum, de Lenis, Philonardum, aliosque dicam, quos pudet nominare ? Tontus quidem pauperrimus causarum sollicitator sine causis fuit : quindecim Iulij mensuris vivebat illi assignatis ab oratorio sancti Rochi, ubi Organum sonabat festis diebus. Lanfrancus cuius sit filius, cuius patria, ignoratur : in Hospitali incurabilium Neapoli malum Gallicum curabat, quando ad Cardinalatum vocabatur.

De Lenis, & Philonardus duæ columnæ non Ecclesiæ sed Inferni esse possunt. Ex hisne Ecclesia Dei gubernanda est ? Ex his Pontifex maximus futurus eligendus ? Permittendûmne est ut Ecclesia Dei semper in peius labatur ?

Eo autem magis scandalizatur Ecclesia, quia creditur

E

Paulum

Paulum hæc omnia facere, ut Cardinalem Borghesium sibi successorem relinquat. Paulus enim in principio scnectutis existens, spem supervivendi habet, & omnibus Cardinalibus a predecessoribus creatis superesse, totumq Collegium renovare. Propterea iuvenes creat, eosq ignorantes & pauperrimos esse vult, ut Borghesio supponantur: eidemq omnes Ecclesiæ redditus confert, ut quum primum successoris eligendi occasio venerit, illis redditibus Electoribus impartitis, Pontifex ipse eligi possit. Huic malo nunc obviandum est, ne quid deterius in Ecclesiâ contingat. Quare tam ex omnibus simul iunctis causis, quàm ex singulis singulariter consideratis, neminem existere credi potest, qui generale Concilium congregandum esse, negare audebit.

GENERALIS CONCILII

convocationem ad Cæsarem duntaxat pertinere in casu de quo agitur.

Q*uamvis ad solum Papam generalis concilij convocatio pertineat, & post eius requisitionem ac negligentiam, ad Cardinales, ut post ceteros probat Cardinal. Iacobat. qui diffusius ceteris hanc materiam scripsit, in tract. De Concil. lib. 3. art. 1. per totum: tamen quando agitur contra Papam & contra Cardinales nulliter ab eo creatos, eidemq adherentes, sive eiusdem criminis notatos; neq ad Papam, neq ad Cardinales huiusmodi generalis Concilij convocationem pertinere, sed solum Imperatorem illud convocare debere, hisce rationibus & auctoritatibus ostenditur.*

Quando

Quando in aliquo casu Pralati consensus requiritur, iuxta ea quae habentur in c. Causam quae de iudicijs; si agatur contra eundem Pralatum, eius consensus non est necessarius: ut notant Doct. In cap. Edoceri, de rescript. Et est gloss. in c. Quum pastoris. 2. q. 7. Et quando ipse Pralatus tanquam caput est suspectum, etiam alij qui illum sequuntur suspecti sunt; pariterque de eisdem iudicandum est, prout de capite, ut notat Vincentius, quem Abb. & alij sequuntur. in c. de iudicijs. Idemque affirmat Baldus in l. 1. in princip. c. Si Rector provinciae. Et ibi notat Abb. in c. Accedens ut lite non contestata. Præterea idem de adherentibus, quod de principali iudicandum est. c. Ad Apostolica, de re iudicata. lib. 6. notatur in c. 1. De postulatione Pralatorum; & l. Quae religiosis. & ibi Angelus. ff. de rei vindicatione.

Quamobrem si agitur contra Papam & Cardinales qui in causa propria iudices esse prohibentur, si dicta causa non possunt absque Concilio terminari; Imperatoris intererit illud congregare, sicut probat Card. Iacobat. in d. artic. 1. n. 71. & seq. & n. 74. devolutionem nequaquam ad Cardinales fieri ostendit. Eandem sententiam diffusius probant Addentes ad Abbatem in c. Significasti, de electione, in additione quae incipit, An & quando Concilium sit supra Papam, in 10. limitatione.

Et nisi Imperator convocare posset, in potestate Papae & suorum Cardinalium esset, contra quos agendum est, fidem Christianam, statumque universalis Ecclesiae subvertere; quod Imperator permittere non debet, quum ipsius intersit, Ecclesiam defendere. c. Nos ad fidem, dist. 90. Ipse enim totum populum Christianum repræsentat, in

quem universi orbis auctoritas translata fuit. l. 2. §. No-
uissime. ff. de origine iuris. l. 1. §. Cum enim. l. de veter.
iure enucleando. Ergo loco omnium populorum ipse Im-
perator congregabit Concilium.

Item quando Cardinales sunt suspecti, utpote quia cre-
ati postquam Papa renuntiavit Papatui; tunc ipsi Cardi-
nales convocare non possunt, sed ipse populus convocabit.
c. 1. de renuntiatione lib. 6. Et ad hoc est textus c. Si fortè.
distinct. 65. Sed hoc intelligitur, quando Romæ ipsum
Concilium congregandum esset, uti probat Card. Iacobat.
in d. artic. 1. n. 286. Sed quando alibi quàm Romæ con-
gregandum esset, ad Imperatorem pertinere certum est.
Imo etiam si Romæ, quum omnis populi potestas in Impe-
ratorem translata fuerit; ipse enim est pars Concilij, atq;
illi interesse debet proprio suo iure: potestas igitur ad eun-
dem devolvitur, tanquam ad proximum superiorem, ar-
gumento eorum quæ notantur in c. Nulla ecclesiastica mini-
steria: de concessione præbend.

Hæc autem scripta sunt retentis omnibus conclusioni-
bus, quas Romæ tenent: sed ab initio, Conciliorum convo-
catio ad solum Imperatorem pertinebat. Constantinus
convocavit Concilium. c. Sextam. & c. Habeo librum, di-
stinct. 16. Idem habetur in principio Concilij Africani.
Item Valentinianus congregavit Concilium. c. Valentinia-
nus. distinct. 63. & c. Mandamus. 2. q. 5. ubi Valentinia-
nus congregavit Concilium ad sedandum scandalum or-
tum contra Papam. Item Concilium Constantinopolita-
num tempore Constantini Constantis filij, ut legitur in
principio singularum actionum dicti Concilij; & in ge-
stis Concilij Agaten. in principio cuiuslibet actionis. Ex-

go etiam cum presupposito, quòd hodie convocatio Concilij sit reservata Papæ, & Cardinalibus in eius defectu; his deficientibus contra quos agendum est, res de facili ad suam pristinam naturam devolvitur, ita ut ipse Cæsar congregare debeat.

In notorijs interpellatio non est necessaria ad constituendam negligentiam. Card. Iacobat. in d. art. 1. n. 206. Sed causa convocandi Concilium notoria sunt, & quantum scandali populo Christiano dent, notorium est: quod procedit etiam dato temporis cursu, in quo quis actum facere potuit, quantumcunque terminus statutus non fuerit, ut in simili. c. 1. §. Notoria. de censib. lib. 6. Multoq; minus interpellatione opus est eius, contra quem agendum est.

Et quamvis generale Concilium ab Imperatore congregatum, Papæ auctoritatem non habeat; non tamen ideo conciliabulum dici debet, quia ipsa Synodus tanquam omnem auctoritatem habens, sede vacante, seu quasi vacante, poterit sibi ipsi auctoritatem interponere: & hoc casu omnis potestas in ipsa Synodo residebit; cuius caput erit ipse Christus, ut ponit Hostiensis, & refert gloss. in c. 1. De schismate lib. 6. & ita dicitur in concilio Constantiensi, videlicet quòd Concilium generale habet immediatè potestatem à Christo: quod intelligitur, vel Papa non existente, vel quando periculo imminenti Ecclesie obviare non vult. Et hæc ita probat Cardin. Iacobat. in d. art. 1. n. 197.

Imo quando Concilium est congregatum, potest requiri Papa, ut illud confirmet. Quòd si confirmare recuset, ipsummet Concilium, Papam confirmare nolentem, de hæresi suspectum esse præsumet: atque ideo loco Papæ, auctori-

tatem interponet. Hæc est doctrina eiusdem Card. Iacobat. in d. art. c. 1. n. 206.

Nec dicetur, Concilium in factio proprio authoritatem impartiri; quum Concilium representet universalem Ecclesiam, cuius caput est Christus, nec est factum proprium alicuius. Iacobat. ibidem. n. 207.

Item ipsum Concilium pronuntiabit se legitime congregatum, sicut Iudex potest se competentem dicere. c. Super literis, de rescript. & ita fuit factum in Concilio Constantiensi, ut patet in sess. 3. c. 1.

Cardinalis Iacobatius sæpe allegatur, quia eius conclusiones omnes Roma receptæ sunt; sic ut eius authoritas sit omni exceptione maior.



